



Republika e Kosovës
Republika Kosova-Republic of Kosovo
Qeveria –Vlada-Government
Ministria e Mbrojtjes
Ministarstvo Odbrane / Ministry of Defense



Drejtoria e Burimeve Njerëzore/Direktorat Ljudskih Resurs/Human Resources Directorate

Bazuar në Ligjin Nr. 06/L-122 për Ministrinë e Mbrojtjes së Republikës së Kosovës, Ligjin Nr.08/L-158 për Ndryshimin dhe Plotësimin e Ligjit Nr.06/L-122 për Ministrinë e Mbrojtjes, Ligjin Nr.06/L-124 për Shërbim në Forcën e Sigurisë së Kosovës, Ligjin nr. 08/L-156 për Ndryshimin dhe Plotësimin e Ligjit nr.06/L-124 për Shërbim në Forcën e Sigurisë së Kosovës, neni 5, paragrafi 1, nen paragrafi 1.1 të Rregullores Nr. 07/2023 për Rekrutim në FSK, si dhe duke pasur për bazë ofertën e Akademisë Ushtarake të Shteteve të Bashkuara të Amerikës, Ministria e Mbrojtjes shpall:

K O N K U R S

Ministria e Mbrojtjes bën nominimin e gjashtë (6) kandidatëve për të studiuar në Akademinë Ushtarake në SHBA-së

I.PROCEDURAT E APLIKIMIT DHE PËRZGJEDHJES PËR SHKOLLIM NË AKADEMINË USHTARAKE /SHBA

Kriteret e përgjithshme dhe të veçanta për rekrutim sipas Rregullores Nr. 07/2023 për Rekrutim në FSK:

- Të jetë shtetas i Republikës së Kosovës;
- Të ketë zotësi të plotë për të vepruar;
- Të ketë kryer shkollën e mesme, përfshirë dhe testin kombëtar të maturës;
- Të zotërojë aftësitë e nevojshme shëndetësore dhe fizike për vendin e shërbimit;
- Të mos jetë i dënuar për vepër penale, me vendim të formës së prerë;
- Të jetë i moshës 18 vjeç në ditën e fillimit të studimeve akademike;
- Të mos ketë kaluar ditëlindjen e 23-të në ditën e fillimit të vitit akademik (1 korrik 2026);
- Të ketë gjatësi trupore jo më pak se 165 cm për meshkuj dhe 160 cm për femra (kjo verifikohet gjatë testimit fizik);
- Kandidatët të cilët bartin tatuazhe në fytyrë, qafë dhe parakrahë nga pjesa e bicepsit deri te gishtat e dorës, duke përfshirë edhe pirsingun, në rast të përzgjedhjes janë të obliguar të bëjnë heqjen e tyre paraprakisht në afatin kohor deri në fillimin e shkollimit për kadet, në të kundërtën diskualifikohen;
- Kandidatët duhet të njohin gjuhën e vendit përkatës (gjuhën angleze),
- Të kenë notën mesatare gjatë shkollimit të mesëm jo më pak se 3.0,
- Kandidatët që konkurrojnë nga shoqëria civile dhe përzgjidhen për studime, marrin statusin e kadetit dhe realizojnë pagën e kadetit të FSK-së deri në përfundimin e studimeve.
- Pjesëtarët e FSK-së të cilët përzgjidhen për studime marrin statusin e kadetit dhe realizojnë pagën e kadetit të FSK-së deri në përfundimin e studimeve;
- Kandidatët që përzgjidhen nga shoqëria civile në rast të dështimit të përfundimit të studimeve, i nënshtrohen kriterëve sanksionuese të kontratës.

- Pjesëtarët e FSK-së të cilët përzgjidhen për studime dhe marrin statusin e kadetit, në rast të dështimit në përfundimin e studimeve, i nënshtrohen kriterëve sanksionuese të kontratës.
- Kadetët/pjesëtarët e FSK-së që ndjekin shkollimin në Akademitë ushtarake janë të obliguar të shërbejnë dyfishin e kohës së shkollimit, e cila rregullohet dhe përcaktohet me kontratë.
- Dhënia e informatave të rrejshme kurdo që zbulohet, gjatë procesit të rekrutimit apo gjatë shërbimit në FSK, rezulton me largim nga FSK-ja.

Kriteret e shtetit pritës;

- Të mos jetë bartës i virusit HIV, Hepatit B dhe SST (Sëmundje Seksualisht të Transmetueshme) të tjera; të mos ketë kaluar apo të vuajë ndërkohë nga sëmundje të tjera të zemrës, veshkave, hepatike, pulmonare, neuropsikiatrike, sistemit lokomotor (sistemit kockor dhe lëvizjes) apo të ketë qenë ose jetë përdorues i lëndëve narkotike;
- Të ketë shikim të mirë dhe pa ndonjë problem dental të theksuar;
- Të ketë rezultate minimale të matematikës në SAT prej 580 pikëve dhe EBRW 480 pikë ose minimumi i matematikës/shkencës dhe arsytimit në ACT prej 25 pikëve dhe në anglisht/lexim prej 18 pikësh;
- Të kalojë me sukses testin fizik, Candidate Fitness Assessment (CFA), i cili përbëhet nga (1) hedhja e topit basketbollit, (2) tërheqje në hekur, (3) vrapim i shpejtë vajtje ardhje 36m (40-yard), (4) ulje- ngritje mbi duar (pompa), (5) barkore, dhe (6) vrapim 1600m (një milje);
- Të mos jetë i martuar, të mos jetë shtatzënë dhe të mos jetë nën obligim për t'u kujdesur për fëmijë;

II. PROCEDURAT E TESTIMIT SIPAS KRITEREVE TË RREGULLORES NR.07/2023 PËR REKRUTIM NË FSK

- Testi fizik;
- Testi i inteligjencës dhe njohurive të përgjithshme;
- Intervista;
- Testi/ekzaminimi shëndetësor.

Kalimi me sukses i testit paraprak është kusht për të drejtën e testimit në fazën vijuese, me përjashtim të testit të inteligjencës dhe testit të njohurive të përgjithshme, të cilët realizohen në të njëjtën kohë

III. PROCEDURAT E TESTIMIT SIPAS KRITEREVE TË PALËS PRITËSE

- Ese në gjuhën angleze;
- Testi TOEFL;
- Testi SAT;
- Testi fizik Candidate Fitness Assessment (CFA);
- Intervista nga pala pritëse.

E drejta në ankesës:

- Të drejtën e ankesës e ka çdo kandidatë pas marrjes së rezultateve të çdo faze të testimit përkatës.
- Rezultatet publikohet në Ueb-faqen e Ministrisë së Mbrojtjes dhe FSK-së dhe kandidatët e eliminuar kanë të drejtë ankese brenda afatit dy (2)- ditor.

- Afati i ankesës rrjedh ditën pasuese pas publikimit të rezultatit.
- Ankesa dorëzohet përmes e-mailit në Zyrën e Rekrutimit.
- E drejta e ankesës sipas këtij neni për kandidatët që konkurrojnë për kadetë aplikohet për të gjitha llojet e testimit ku është përgjegjëse FSK.

Kushtet tjera:

- Për t'u marrë në konsideratë dokumentet e nevojshme gjatë aplikimit, diplomat e fituara jashtë Republikës së Kosovës, duhet t'i nënshtrohen procesit të njohjes nga Ministria e Arsimit dhe Shkencës dhe të sjellën të nostrifikuara;
- Përzgjedhja për kadetë është e kushtëzuar me kalimin e suksesshëm të verifikimit të sigurisë;
- Kandidatet e përzgjedhur për kadet, do të nënshkruajnë kontratën e shkollimit me FSK-në me të cilën përcaktohen obligimet që ata do të marrin si kadetë të FSK-së, si mbajtja e standardeve të larta të shkollimit akademik, gjendjes fizike, sjelljes dhe disiplinës. Mos përmbushja e obligimeve të parapara me kontratë në cilindo vit të shkollimit do të rezultojë me humbjen e statusit të kadetit.

IV. DOKUMENTET E KËRKUARA PËR APLIKIM:

- Diploma e shkollës së mesme, (diplomat e fituara jashtë Republikës së Kosovës, duhet t'i nënshtrohen procesit të njohjes nga Ministria e Arsimit, Shkencës dhe Teknologjisë);
- Ekstrakti i lindjes (jo më të vjetër së gjashtë (6) muaj);
- Certifikata nga gjykata që nuk është i dënuar dhe që nuk është nën hetime penale (dokumenti të jetë i nxjerrë brenda afatit të konkursit);
- Kopje të letërnjoftimit apo pasaportës;
- Foto portret 4x4 për aplikim (elektronike);
- Dëshmi për kualifikime tjera (nëse posedon).
- Dokumenti i zotësisë së veprimit

V. AFATI I KONKURRIMIT:

Konkursi është i hapur prej 25.08.2025 deri më 08.09.2025, ora 23:59.

Si të aplikoni;

Aplikimi dhe njoftimi për kadet të FSK-së është online në adresën <https://rekrutimi.fsk-rks.org> si dhe njoftimin për shpalljen e konkursit munde ta shikoni edhe në web faqen e MM-së, <https://mod.rks-gov.net> ku gjendet shpallja e konkursit. Kandidatët plotësojnë formularin e aplikimit online <https://rekrutimi.fsk-rks.org/Apply> dhe bashkëngjisin të gjitha dokumentet tjera të kërkuara nga ky formular. Kandidatet kanë të drejtë të aplikojnë deri në ditën e fundit të përmbylljes së konkursit. Për informata plotësuese, mund të kontaktoni në nr. tel. (Nr. e zyrës së rekrutimit janë: 038- 555584 5690 dhe 038- 555584 5691 nga ora 09:00 deri 15:00, ndërmjet orës 0900 -1500).

Ministria e Mbrojtjes iu shërben të gjithë qytetarëve të Republikës së Kosovës dhe mirëpret aplikacionet e të rinjve dhe të rejave për shërbim në FSK, pa dallim race, ngjyre, feje, gjinie, përkatësie etnike dhe orientimi seksual.

VI. INFORMACION PËR TESTIMET SAT DHE TOEFL:

· Informacion për testimet SAT (2 qendra testimi në Prishtinë)

<https://collegereadiness.collegeboard.org/sat/register/international>, afati i fundit për rexhistrim për testimin SAT në webfaqen e SAT.

<https://collegereadiness.collegeboard.org/sat/register/find-test-centers>

Informacion mbi testimet TOEFL: (2 qendra testimi në Prishtinë).

https://v2.ereg.ets.org/ereg/public/testcenter/availability/seats?_p=TEL